

"Мемлекеттік мекемелерде кассалық операциялар жүргізудің ережесін бекіту туралы" Қазақстан Республикасы Қаржы министрінің 2000 жылғы 25 сәуірдегі N 195 бұйрығына өзгерістер мен толықтырулар енгізу туралы

Күшін жойған

Қазақстан Республикасы Қаржы министрлігінің 2007 жылғы 03 сәуірдегі N 103 бұйрығы. Қазақстан Республикасының Әділет министрлігінде 2007 жылғы 26 сәуірдегі Нормативтік құқықтық кесімдерді мемлекеттік тіркеудің тізіліміне N 4637 болып енгізілді. Күші жойылды - Қазақстан Республикасының Қаржы министрінің м.а. 2009 жылғы 6 тамыздағы N 331 Бұйрығымен.

Күші жойылды - Қазақстан Республикасының Қаржы министрінің м.а. 2009.08.06 N 331 бұйрығымен.

Б Ұ Й Ы Р А М Ы Н :

1. "Мемлекеттік мекемелерде кассалық операциялар жүргізудің ережесін бекіту туралы" Қазақстан Республикасы Қаржы министрінің 2000 жылғы 25 сәуірдегі N 195 бұйрығына (Нормативтік құқықтық актілерді мемлекеттік тіркеу тізілімінде N 1135 тіркелген, нормативтік құқықтық актілерді мемлекеттік тіркеу тізілімінде N 1483 тіркелген Қазақстан Республикасы Қаржы министрінің 2001 жылғы 19 наурыздағы N 146 бұйрықтарымен өзгерістер мен толықтырулар енгізілді) мынадай өзгерістер мен толықтырулар енгізілсін:

көрсетілген бұйрықпен бекітілген Мемлекеттік мекемелерде кассалық операциялар жүргізудің ережесінде:
бүкіл мәтін бойынша:

"шығыстардың сметасын", "шығыстардың сметасы", "шығыстардың сметасымен", "шығыстар сметасы" деген сөздер "қаржыландыру жоспарын", "қаржыландыру жоспары", "қаржыландыру жоспарымен" деген сөздермен ауыстырылсын;

"ақылы қызмет көрсетулерді" деген сөздер "тауарларды (жұмыстарды, көрсетілетін қызметтерді)" деген сөздермен ауыстырылсын;

"депозиттік сома" деген сөздер "жеке және заңды тұлғалардың уақытша орналастыру ақшасы" деген сөздермен ауыстырылсын;

1-тармақта "және қолма-қол ақшаны есеп айырысуда пайдаланудың шекті сомасын" деген сөздер ", сондай-ақ, қолма-қол ақшаның сақталуын және кассалық тәртіптің сақталуын бақылауды қамтамасыз етуге қажет талаптарды" деген сөздермен ауыстырылсын;

2-тармақ мынадай редакцияда жазылсын:

"2. Мемлекеттік мекемелердің мемлекеттік мекемелер қызметкерлеріне жалақы және басқа да ақшалай төлемдерді, сондай-ақ стипендиялар, жеке тұлғаларға төлемдер төлеу жөніндегі кассасы арқылы кассалық операцияларды жүзеге асыру мынадай жағдайларда жүргізіледі:
төлем карточкасын жасау;
төлем карточкасын жасау кезеңінде төлем карточкасының жұмыс істеу мерзімінің өтуі немесе оның жоғалуы;
банктің мемлекеттік мекеме орналасқан жерде болмауы не алыс болуы;
сайлау комиссиясының мүшелерінде, консультанттарда, сарапшыларда, сараптау лингвистикалық комиссиясының мүшелерінде және Қазақстан Республикасының заңнамасына сәйкес сайлау бойынша, сайлау өткізуге қатысушыларда, сондай-ақ кандидаттарда, мәслихат депутаттарында Қазақстан Республикасының сайлау жөніндегі заңнамаларында көзделген жалақыны өтеу үшін олардың негізгі жұмыс орны бойынша карт-шотының немесе жинақтау шотының болмауы.

Мемлекеттік мекеменің орналасқан жері бойынша төлем карточкаларына қызмет көрсету жөнінде пункттер мен қондырғылар болмаған жағдайда, шығыстардың экономикалық сыныптамасының ерекшеліктері бойынша қазынашылықтың аумақтық бөлімшесінің чектері бойынша қолма-қол ақшаны алуға жол беріледі.";

3 және 4-тармақтар алып тасталсын;

5-тармақ мынадай редакцияда жазылсын:

"5. Мемлекеттік мекеменің кассасындағы қолма-қол ақша қалдығының күн сайынғы лимиті осы Ереженің 2-тармағында көзделген жағдайларда, 151 "Ел ішіндегі іссапарлар мен қызметтік сапарлар" және 152 "Елден тыс жерлерге іссапарлар мен қызметтік сапарлар" ерекшеліктері бойынша мемлекеттік мекемені қаржыландырудың жеке жоспарының бекітілген жылдық сомасын ескере отырып, мынадай шекте белгіленеді:
5 млн. теңгеге дейін - 50 айлық есептік көрсеткіш;
5 млн. теңгеден 20 млн. теңгеге дейін - 150 айлық есептік көрсеткіш;
20 млн. теңгеден жоғары - 500 айлық есептік көрсеткіш.

Ағымдағы қаржы жылы бюджет шотына есептеуге тапсырылмаған мемлекеттік мекеменің кассасындағы қолма-қол ақшаның қалдығы жаңа қаржы жылында кейін оларды тиісті бюджетке аудара отырып, 206106 "Бұрын республикалық бюджеттен алынған, пайдаланылмаған қаражатты қайтару" және 206107 "Бұрын жергілікті бюджеттен алынған, пайдаланылмаған қаражаттардың қайтарылуы" кірістердің бюджеттік сыныптамасының кодтары бойынша міндетті түрде қайтарылады.";

7 - т а р м а қ т а :

бірінші абзац мынадай редакцияда жазылсын:

"7. Мемлекеттік мекеме кассаға қабылдаған қолма-қол ақша оларды екінші деңгейдегі банктерге немесе банк операцияларының тиісті түрлеріне (бұдан әрі - банк) Қазақстан Республикасы Ұлттық Банкінің лицензиясы бар ұйымдарға қабылдаған күннен бастап үш банктік күннен кешіктірмей қолма-қол ақшаның тиісті бақылау шоттарына есептеу үшін тапсырылады: мемлекеттік мекемелердің тауарларды (жұмыстарды, көрсетілетін қызметтерді) сатудан түсетін түсімдер және олар бойынша жасалған төлемдер бойынша операцияларды есепке алу үшін ; мемлекеттік мекемелер үшін демеушілік, қайырымдылық көмектен түсетін түсімдер және олардың есебінен жасалған төлемдер бойынша операцияларды есепке алу үшін; жеке немесе заңды тұлға ақша бірінші талап ету бойынша ма немесе белгілі бір мезгілден кейін бе, толық немесе бөліктермен бе, тікелей жеке немесе заңды тұлғамен алдын ала келісілген үстемақымен ба не осынысыз ба, не тиісті республикалық немесе жергілікті бюджеттерге берілген байланыссыз оларды атаулы көрінісінде қайтару шартымен мемлекеттік мекемеге берілетін ақша бойынша операцияларды есепке алу үшін (бұдан әрі - жеке немесе заңды тұлғалардың уақытша орналастыру ақшасы).";

екінші абзацта "шоттарға" деген сөз "қолма-қол ақшаның бақылау шоттарына" деген сөздермен ауыстырылсын;

8-тармақ мынадай редакцияда жазылсын:

"8. Мемлекеттік мекемелердің қолма-қол ақшаны екінші деңгейдегі банктер немесе банк операцияларының тиісті түрлеріне (бұдан әрі - банк) Қазақстан Республикасы Ұлттық Банкінің лицензиясы бар ұйымдар арқылы алуы Қазақстан Республикасы Үкіметінің 2007 жылғы 20 наурыздағы N 225 қаулысымен бекітілген Республикалық және жергілікті бюджеттердің атқарылу ережесінде анықталған тәртіппен жүргізіледі.";

9-және 10-тармақтар алып тасталсын;

12-тармақтың екінші абзацында "осы Ереженің 9-тармағына сәйкес" деген сөздер алып тасталсын;

23-тармақтың 4) тармақшасының екінші абзацында "10" саны "12" санымен ауыстырылсын;

24-тармақтың бірінші абзацы мынадай мазмұндағы сөйлеммен толықтырылсын:

"Қазақстан Республикасы Қаржы министрлігі Қазынашылық департаментінің 1998 жылғы 1 желтоқсандағы N 548 бұйрығымен бекітілген Мемлекеттік мекемелерге арналған бухгалтерлік құжат нысандарының альбомында көзделген

деректемелердің болу шартымен компьютер жүйелерді және арнайы бағдарламалық қамтамасыз етуді пайдалана отырып толтырылған кассалық құжат бланктерін пайдалануға жол беріледі.";

29-тармақ мынадай мазмұндағы абзацпен толықтырылсын:

"Мемлекеттік мекемелерде бухгалтерлік есепке алу мен қаржылық есеп беру туралы заңнаманы сақтаған және кіріс және шығыс кассалық құжаттарының толық сақталуын қамтамасыз еткен жағдайда, кассалық кітап электрондық түрде жүргізіледі алады .

Кассир компьютерлік басылымдарды алғаннан кейін құжаттардың дұрыс жасалғандығын тексереді, кіріс және шығыс кассалық құжаттармен бірге кассир есебінің бірінші данасына қол қояды және бухгалтерияға береді, есептің екінші данасы кассирде қалады .

Қаржы жылы аяқталғаннан кейін кассир есептің екінші данасының негізінде касса кітабын қалыптастырады, ол тігінделуі және мемлекеттік мекеменің мөрімен расталуы тиіс. Парақтар саны басшы мен бас бухгалтердің қолдарымен расталады .

Касса кітабын электрондық түрде жүргізген жағдайда, касса құжаттарын өңдеудің бағдарламалық құралы жұмысының дұрыстығын және толтырылатын нысандардың Қазақстан Республикасы Қаржы министрлігі Қазынашылық департаментінің 1998 жылғы 1 желтоқсандағы N 548 бұйрығымен бекітілген Мемлекеттік мекемелерге арналған бухгалтерлік құжат нысандарының альбомына сәйкес келуін тексеру жүргізіледі.";

30-тармақта "203109 "Өзге де санкциялар мен айыппұлдар" коды бойынша тиісті бюджеттің" деген сөздер "Республикалық бюджеттен қаржыландырылатын мемлекеттік мекемелер салатын басқа да айыппұлдар, өсімпұлдар, санкциялар, өндіріп алулар", "Жергілікті бюджеттен қаржыландырылатын мемлекеттік мекемелермен алынатын басқа да айыппұлдар, өсімпұлдар, санкциялар, өндіріп алулар" түсімдердің бюджеттік сыныптамасының кодтары бойынша тиісті бюджеттің" деген сөздермен ауыстырылсын;

31-тармақта "уәкілетті" деген сөз алып тасталсын;

35-тармақтың екінші абзацында "милиция" деген сөз "ішкі істер органдарының" деген сөздермен ауыстырылсын;

42-тармақтың екінші абзацы алып тасталсын;

43-тармақта "Қаржы бақылау комитетінің" деген сөздер "ішкі бақылау жөніндегі орталық уәкілетті органның" деген сөздермен ауыстырылсын;

көрсетілген Ережеге N 1 қосымша алып тасталсын;

N 2 және N 3 қосымшалар осы бұйрыққа 1 және 2-қосымшаларға сәйкес жаңа редакцияда жазылсын.

Қазақстан Республикасы Қаржы министрінің
2007 жылғы 3 сәуір N 103 бұйрығына

2-қосымша

N 454 нысан

Қазақстан Республикасы Қаржы
министрінің 2000 жылғы 25 сәуірдегі

N 195 бұйрығымен бекітілген

Тауарларды (жұмыстарды, қызметтерді) сатудан, демеушілік және қайырымдылық көмек түрінде, жеке және заңды тұлғалардың ақшасын уақытша орналастырудан түскен ақшаның мақсатты пайдаланылуын бақылау кітабы

Мемлекеттік мекеменің атауы _____

Мемлекеттік мекеменің коды _____ 200 ж. _____ айы

N	Операцияның мазмұны	Күні	Құжаттың нөмірі	Ерекшеліктер бойынша банктен чек бойынша түскені (жұмсалғаны) банктен чек бойынша түскені (жұмсалғаны)			
				5	6	7	8
1	2	3	4	5	6	7	8
	Айдың соңындағы қалдық						
	Кіріс						
	Кіріс бойынша жиыны						
	Шығыс						
	Шығыс бойынша жиыны						
	Айдың соңындағы қалдық						

кестенің жалғасы

9	10	11	12	13	14	15	16	17	18	19

кестенің жалғасы

(теңге)

Қолма-қол ақшаның бақылау шотына есептеу үшін кассаға түскен қолма-қол ақша			Банкке түскен (тапсырылған) қолма-қол ақша жиыны
Тауарларды (жұмыстарды, қызметтерді)	жеке немесе заңды тұлғалардың ақшасын уақытша орналастыру	демеушілік және қайырымдылық көмек	
20	21	22	23

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМҚ